

Pa celebra nan di 10 aña di existencia

Comision di carnaval Savaneta cu actividad

ORANJESTAD(AAN)- Otro aña e comision di Savaneta lo celebra e hecho cu 10 aña pasa nan a cuminsa cu celebracion di Carnaval den e distrito di Savaneta, den un forma mas organiza, esta cu reina infantil, reina juvenil y reina grandi.

Tambe durante e 10 añanan, Savaneta a sobresali den e paradanan grandi, ganando premionan manera grupo mas luhoso, grupo di aña, grupo mas creativo, mas original etc.

Comision di Savaneta tabata sa di a representa e distrito cu reinanan cu semper a cay den premio y hasta sali reinanan di Carnaval di Aruba, especialmente reina infantil y reina grandi. Cu otro palabra participacion di Savaneta den Aruba su carnaval a bira indispensable.

En preparacion y pa haya fondo pa celebracion di nan segundo lustro comision di Savaneta lo organiza un "bike-tour", dia 30 di October saliendo pa 8'or di mainta for di Jara Ranch.

E ruta ta Jara-ranch, Jaraweg

direccion Isla di Oro, Spaans Lagoenweg, direccion Arston Corp. bieu, direccion warda di polis Balashi, planta qumico bieu, Mahuma, caminda principal, cruzada direccion Santa Marta, Sero Biento, caminda principal Santa Cruz, man drechi Hooiberg, man robez Hooiberg, direccion Bright Bakery, na unda lo bay tin un descanso. Despues lo a continua, direccion Piedra Plat, Santa Cruz - direccion man robez pasa door di Franse Pas, Sabana Basora pa Pos Chiquito, man robez, carretera principal San Nicolas, na Anthony Sales, Savaneta man drechi Brisas del Mar te cu cruzada carretera principal Savaneta. Carretera cu ta pasa dilanti cas di Dr. Ponse direccion Seroe Alejandro man robez direccion, Jara Ranch. Lo bay tin musica durante henter e ruta di e disco di Juan de Cuba.

Caarchinan ta obtenibel na Idefre y cerca miembronan di comision. E tema cu Savaneta lo presenta den e carnaval

venidero lo ta "A Touch of White". E comision ta participa cu inscripcion pa tuma parti den e grupo ya ta habri y inter-

esadonan por yama: Sra. Martica Arends na 47032/ Sra. Erna Arends na 47278/ Sra. Sita Angela na 41951/ Sra. Lilian

Maduro na 47730.

Atrobe Savaneta lo ta grandi cu celebracion di Carnaval di Aruba 1989.